

PKPD di FELDA Tersang, Raub mulai 2 Feb

Januari 31, 2022 @ 11:37pm



PKPD akan dilaksana di FELDA Tersang 1, 2, dan 3, Mukim Batu Talam, Raub, Pahang mulai 2 hingga 15 Februari. - Foto hiasan NSTP

KUALA LUMPUR: Perintah Kawalan Pergerakan Diperketatkan (PKPD) akan dilaksana di FELDA Tersang 1, 2, dan 3, Mukim Batu Talam, Raub, Pahang mulai 2 hingga 15 Februari.

Ketua Pengarah Keselamatan Negara Majlis Keselamatan Negara, Datuk Rodzi Md Saad, dalam kenyataan hari ini memaklumkan PKPD di Kampung Batu Talam, mukim sama akan ditamatkan esok seperti dijadualkan.

ADVERTISEMENT

Beliau berkata keputusan itu dibuat setelah meneliti pembentangan oleh Kementerian Kesihatan mengenai penilaian risiko dan trend jangkitan COVID-19 di lokaliti terbabit.

Menerusi kenyataan yang dimuat naik di Facebook, Rodzi memaklumkan tiada pelanjutan PKPD di lokaliti lain.

– BERNAMA